

بِسْمِ اللَّهِ الرَّحْمَنِ الرَّحِيمِ نَحْمَدُهُ وَنُصَلِّي عَلَى حَبِيبِهِ الْكَرِيمِ

(আল্লাহর নামে আরম্ভ, যিনি পরম দয়ালু, করুণাময়। আমরা তাঁরই প্রশংসা করছি এবং তাঁর দয়ালু হাবীব সাল্লাল্লাহু তা'আলা আলায়হি ওয়াসাল্লামের উপর সালাত ও সালাম পাঠ করছি।)

সূরা ফাতিহার নামসমূহ : এ সূরার বহু নাম রয়েছেঃ (১) ফাতিহা, (২) ফাতিহাতুল কিতাব (ক্বোরআনের ভূমিকা), (৩) উম্মুল ক্বোরআন (ক্বোরআনের মূল), (৪) সূরাতুল কান্ব (ভাঙার সূরা), (৫) কাফিয়াহ (প্রাচুর্যসম্পন্ন), (৬) ওয়াফিয়াহ (পরিপূর্ণ), (৭) শাফিয়াহ (আরোগ্যদায়ক), (৮) শেফা (আরোগ্য), (৯) সাব্ব'ই মাসানী (সপ্ত প্রশংসা, বারংবার আবৃত্তিযোগ্য সপ্ত আয়াত), (১০) নূর (জ্যোতি), (১১) রুকুইয়াহ (দো'আ-তাবিজ), (১২) সূরাতুল হাম্দ (প্রশংসার সূরা), (১৩) সূরাতুদ্ দো'আ (প্রার্থনার সূরা), (১৪) তা'লীমুল মাসআলা (মাসআলা শিক্ষা), (১৫) সূরাতুল মুনাজাত (মুনাজাতের সূরা), (১৬) সূরাতুত্ তাফতীদ (অর্পণের সূরা), (১৭) সূরাতুস সাওয়াল (যাঞ্জার সূরা), (১৮) উম্মুল কিতাব (কিতাবের মূল), (১৯) ফাতিহাতুল ক্বোরআন (ক্বোরআনের সূচনা) এবং (২০) সূরাতুস সালাত (নামাযের সূরা)।

এ সূরায় সাতটি আয়াত, সাতাশটি পদ এবং একশ চল্লিশটি বর্ণ আছে। কোন আয়াত 'নাসিখ' (রহিতকারী) কিংবা 'মানসূখ' (রহিতকৃত) নয়।

শানে নুযুল (অবতরণের প্রেক্ষাপট) : এ সূরা মক্কা মুকাররামাহ কিংবা মদীনা মুনাওয়ারাহয় অথবা উভয় পূণ্যময়ী ভূমিতে অবতীর্ণ হয়েছে। হযরত আমর ইবনে শোরাহ্বীল থেকে বর্ণিত, নবী করীম সাল্লাল্লাহু তা'আলা আলায়হি ওয়াসাল্লাম হযরত খাদীজা রাদিয়াল্লাহু তা'আলা আনহাকে বললেন, "আমি এক

আহ্বান শুনে থাকি, যাতে (اقْرَأْ) 'ইকুরা' (আপনি পড়ুন!) বলা হয়।" ওয়ারক্বাহ ইবনে নওফলকে এ সম্পর্কে অবহিত করা হলো। তিনি আরয় করলেন, "যখন এ আহ্বান আসে তখন আপনি স্থিরচিত্তে তা শ্রবণ করুন।" এরপর হযরত জিব্রাঈল (আলায়হিস সালাম) হযর সাল্লাল্লাহু তা'আলা আলায়হি ওয়াসাল্লামের দরবারে হাযির হয়ে আরয় করলেন, আপনি বলুন, "বিস্মিল্লাহির রাহমানির রাহীম, আল্‌হামদুলিল্লাহি রাব্বিল 'আলামীন।" এ থেকে বুঝা যায় যে, অবতরণের দিক দিয়ে এটাই প্রথম সূরা। কিন্তু অন্যান্য বর্ণনা থেকে জানা যায় যে, সর্বপ্রথম 'সূরা ইকুরা' নাখিল হয়েছে। দো'আ বা প্রার্থনার তরীক্বা শিক্ষা দেয়ার জন্য এ সূরার বর্ণনাভঙ্গী বান্দাদের ভাষায়ই এরশাদ হয়েছে।

সূরা : ১	১	ফাতিহা
<h3 style="margin: 0;">সূরা ফাতিহা</h3> <h2 style="margin: 0;">بِسْمِ اللَّهِ الرَّحْمَنِ الرَّحِيمِ</h2>		
সূরা ফাতিহা মক্কী	আল্লাহর নামে আরম্ভ, যিনি পরম দয়ালু, করুণাময় (১)।	আয়াত-৭ রুকু'-১
<p>১. সমস্ত প্রশংসা আল্লাহর প্রতি, যিনি মালিক সমস্ত জগৎদাসীর;</p> <p>২. পরম দয়ালু, করুণাময়;</p> <p>৩. প্রতিদান দিবসের মালিক।</p>	<h2 style="margin: 0;">الْحَمْدُ لِلَّهِ رَبِّ الْعَالَمِينَ ۝</h2> <h2 style="margin: 0;">الرَّحْمَنِ الرَّحِيمِ ۝</h2> <h2 style="margin: 0;">مَلِكِ يَوْمِ الدِّينِ ۝</h2>	
মানযিল - ১		

মাসআলা : নামাযে এ সূরা পাঠ করা ওয়াজিব- ইমাম ও একাকী নামায আদায়কারীর জন্য নিজ মুখে উচ্চারণ করে (প্রত্যক্ষভাবে) এবং মুক্তাদীর জন্য 'হুকমী' বা পরোক্ষভাবে (অর্থাৎ ইমামের মুখে)। বিশুদ্ধ হাদীস শরীফে আছে- "قِرَاءَةُ الْإِمَامِ لَهُ قِرَاءَةٌ" অর্থাৎ "ইমামের পাঠ করাই মুক্তাদীর পাঠ করা।" ক্বোরআন মজীদে মুক্তাদীকে নীরব থাকার এবং ইমামের 'ক্বিরআত' শ্রবণ করার নির্দেশ দেয়া হয়েছে- "إِذَا قُرِئَ الْقُرْآنُ فَاسْتَمِعُوا لَهُ" (অর্থাৎ-যখন ক্বোরআন মজীদ পাঠ করা হয় তখন তোমরা তা মনযোগ সহকারে শ্রবণ করো এবং নিশ্চুপ থাকো)। মুসলিম শরীফে বর্ণিত হয়েছে- "إِذَا قُرِئَ فَاسْتَمِعُوا" অর্থাৎ "ইমাম যখন 'ক্বিরআত' পাঠ করেন তখন তোমরা চুপ থাকো।" আরো বহু সংখ্যক হাদীসে একথাই বর্ণিত হয়েছে।

মাসআলা : জানাযার নামাযে 'দো'আ' স্মরণ না থাকলে 'সূরা ফাতিহা' দো'আর নিয়তে পাঠ করা জায়েয; ক্বিরআতের নিয়তে জায়েয নয়। (আলমগীরী)

সূরা ফাতিহার ফযীলতসমূহ : হাদীসসমূহে এ সূরার বহু ফযীলত বর্ণিত হয়েছে। হযর সাল্লাল্লাহু তা'আলা আলায়হি ওয়াসাল্লাম এরশাদ করেছেন, "তাওরীত, ইন্জীল ও যাবুরে এর মতো কোন সূরা নাখিল হয়নি।" (তিরমিযী শরীফ)

এক ফিরিশতা আসমান থেকে অবতীর্ণ হয়ে হযর সাল্লাল্লাহু তা'আলা আলায়হি ওয়াসাল্লামের উপর সালাম আরয় করলেন এবং এমন দু'টি 'নূর'-এর সুসংবাদ দিলেন, যা হযরের পূর্বে কোন নবীকে প্রদান করা হয়নি। একটা হচ্ছে 'সূরা ফাতিহা', অন্যটা 'সূরা বাক্বার'র শেষ আয়াতসমূহ। (মুসলিম শরীফ)

সূরা ফাতিহা প্রত্যেক রোগের জন্য শেফা। (দারমী শরীফ)

সূরা ফাতিহা একশবার পাঠ করে যে প্রার্থনাই করা হোক, আল্লাহ তা'আলা কবুল করেন। (দারমী শরীফ)

ইস্টি‘আযাহঃ اَعُوذُ بِاللّٰهِ مِنَ الشَّيْطَانِ الرَّجِيْمِ (আ‘উযু বিল্লাহি মিনাশ্ শায়তানির রাজীম) পাঠ করা

মাসআলাঃ ক্বোরআন তেলাওয়াতের পূর্বে ‘আউযু বিল্লাহি মিনাশ্ শায়তানির রাজীম’ পাঠ করা সুন্নাত- (তাফসীর-ই-খাযিন)। তবে, ছাত্র যখন শিক্ষক থেকে পাঠ করে তখন তার জন্য সুন্নাত নয়। (ফতোয়া-ই-শামী)

মাসআলাঃ নামাযের মধ্যে ইমাম কিংবা একাকী নামায আদায়কারীর জন্য ‘সানা’ (সুবহা-নাকা) পাঠ করার পর নীরবে ‘আউযু বিল্লাহ্’ পাঠ করা সুন্নাত। (শামী)

তাস্মিয়াহঃ بِسْمِ اللّٰهِ الرَّحْمٰنِ الرَّحِيْمِ (বিস্মিল্লাহির রাহমানির রাহীম) পাঠ করা

মাসআলাঃ ‘বিস্মিল্লাহির রাহমানির রাহীম’ ক্বোরআন পাকেরই আয়াত; তবে সূরা ফাতিহা কিংবা অন্য কোন সূরার অংশ নয়। এজন্যই তা (ক্বিরআতের সাথে) উচ্চরবে পাঠ করা হয় না। বোখারী ও মুসলিম শরীফে বর্ণিত আছে যে, হযুর আব্দুদাস সাল্লাল্লাহু তা‘আলা আলায়হি ওয়াসাল্লাম এবং হযরত সিদ্দীকে আবকর ও হযরত ফারুকে আ‘যম (রাদিয়াল্লাহু তা‘আলা আনহুমা) ‘আল্হামদু লিল্লাহি রাব্বিল আ-লামীন’ থেকেই নামায (ক্বিরআত) আরম্ভ করতেন। (অর্থাৎ সূরা ফাতিহার সাথে ‘বিস্মিল্লাহির রাহমানির রাহীম’ উচ্চরবে পাঠ করতেন না।

মাসআলাঃ ‘তারাবীহর নামায’-এর মধ্যে যেই খতম আদায় করা হয় তাতে কখনো একবার উচ্চরবে ‘বিস্মিল্লাহ্’ অবশ্যই পড়তে হবে, যেন একটা আয়াত বাদ না পড়ে।

মাসআলাঃ ক্বোরআন শরীফে ‘সূরা বারআত’ (সূরা তাওবা) ব্যতীত প্রত্যেকটা সূরা ‘বিস্মিল্লাহ্’ সহকারে আরম্ভ করতে হয়।

মাসআলাঃ ‘সূরা নামল’-এর মধ্যে সাজদার আয়াতের পর যেই ‘বিস্মিল্লাহ্’র উল্লেখ রয়েছে তা কোন পূর্ণ আয়াত নয়; বরং আয়াতের একটা অংশ মাত্র। সর্বসম্মতভাবে, ঐ আয়াতের সাথে অবশ্যই পড়তে হবে- যেসব নামাযে ‘ক্বিরআত’ উচ্চরবে পড়া হয় সেসব নামাযে সরবে, আর যেসব নামাযে নীরবে পড়তে হয় সেসব নামাযে নীরবে।

মাসআলাঃ প্রত্যেক ‘মুবাহ্’ (বৈধ) কাজ ‘বিস্মিল্লাহ্’ সহকারে আরম্ভ করা মুস্তাহাব। ‘নাজায়েয্’ বা অবৈধ কাজের প্রারম্ভে ‘বিস্মিল্লাহ্’ পড়া নিষিদ্ধ।

সূরা ফাতিহার বিষয়বস্তুসমূহঃ এ সূরায় আল্লাহ তা‘আলার প্রশংসা, রাব্বিয়াত, রহমত, মালিকানা, ইবাদতের একক উপযুক্ততা, উত্তম কাজের তৌফিক দান, বান্দাদের পথ-নির্দেশনা, আল্লাহর প্রতি মনোনিবেশ, ইবাদতকে একমাত্র তাঁরই জন্য সীমিতকরণ, সাহায্য তাঁরই নিকট প্রার্থনা করা, তাঁরই হিদায়ত তলব করা, প্রার্থনার নিয়ম-কানুন, সৎবান্দাদের অবস্থাদির সাথে একাত্মতা ঘোষণা করা, পথভ্রষ্টদের সান্নিধ্য থেকে দূরে থাকা ও

সূরা : ১	ফাতিহা
৪. আমরা (যেন) তোমারই ইবাদত করি এবং তোমারই নিকট সাহায্য প্রার্থনা করি!	إِيَّاكَ نَعْبُدُ وَإِيَّاكَ سَتَعِينُ ﴿١﴾
৫. আমাদেরকে সোজা পথে পরিচালিত করো!	إِهْدِنَا الصِّرَاطَ الْمُسْتَقِيمَ ﴿٢﴾

মানষিল - ১

তাদের প্রতি ঘৃণা প্রদর্শন করা, পার্থিব জীবনের পরিণতি ও প্রতিদান, প্রতিদান-দিবসের বিস্তারিত এবং সমস্ত মাসআলার সংক্ষিপ্ত বিবরণ রয়েছে।

হামদঃ حَمْدٌ (আল্লাহর প্রশংসা)

মাসআলাঃ প্রতিটি কাজের প্রারম্ভে ‘তাস্মিয়াহ্’ (আল্লাহর নাম উচ্চারণ করা)-এর ন্যায় ‘হামদ’ (আল্লাহর প্রশংসা) করা চাই।

মাসআলাঃ ‘হামদ’ কখনো ‘ওয়াজিব’; যেমন-জুমু‘আর খোৎবায়। কখনো ‘মুস্তাহাব’; যেমন-বিবাহের খোৎবায়, দো‘আয়, প্রত্যেক গুরুত্বপূর্ণ কাজের প্রারম্ভে এবং প্রত্যেক পানাহারের পর। কখনো ‘সুন্নাতে মুআক্কাদাহ্’; যেমন-ইঁচি আসার পর। (তাহতাত্তী শরীফ)

রাব্বিল আলামীন (رَبِّ الْعَالَمِينَ)ঃ এর মধ্যে সমস্ত সৃষ্টিজগত যে ক্ষণস্থায়ী, ‘মুমকিন’ ★ ও মুখাপেক্ষী আর আল্লাহ তা‘আলা যে চিরস্থায়ী, অনাদি, অনন্ত, চিরন্তন, চিরজীবী, চির তত্ত্বাবধায়ক, সর্বশক্তিমান ও সর্বজ্ঞ- সেসব বিষয়ে ইঙ্গিত রয়েছে; যেসব গুণাবলী আল্লাহ পাক ‘রাব্বুল আলামীন’-এর জন্য অপরিহার্য। এ দু’টি মাত্র শব্দের মধ্যে ‘ইলম-ই-ইলাহিয়াৎ’ (খোদাতাত্ত্বিক জ্ঞান) -এর গুরুত্বপূর্ণ বিষয়াদি অন্তর্ভুক্ত রয়েছে।

মা-লিকি ইয়াউমিদ্দীন (مَلِكِ يَوْمِ الدِّينِ)ঃ আল্লাহরই মালিকানার পূর্ণ-বিকাশের বর্ণনা এবং এটা এ বিষয়ের সুস্পষ্ট প্রমাণ যে, আল্লাহ ব্যতীত অন্য কেউ ইবাদতের উপযোগী নয়। কেননা, সমস্ত সৃষ্টি হলো তাঁরই মামলুক (মালিকানাধীন) এবং মামলুক উপাস্য হবার যোগ্য হতে পারে না। এ থেকে জানা যায় যে, দুনিয়া হচ্ছে ‘দারুল আমল’ বা কর্মক্ষেত্র। আর এর একটা অন্ত বা শেষ রয়েছে। বিশ্বের এ পরম্পরাকে ‘আদি-অন্তহীন’ বলা বাতিল। দুনিয়ার পরিসমাপ্তির পর একটা প্রতিদান-দিবস রয়েছে। এ আয়াত দ্বারা ‘তানাসুখ’ (পুনঃজন্মবাদ) বাতিল বলে প্রমাণিত হলো।

★ ‘মুমকিন’ (مُمَكِّنٌ)ঃ আরবী দর্শন শাস্ত্রের পরিভাষায়, ‘মুমকিন’ হলো- যা সৃষ্টি হবার পূর্বে ‘হওয়া’ বা ‘না হওয়া’ উভয়ই সম-সম্ভাবনাময়; কিন্তু তা অস্তিত্ব লাভ করার জন্য অপরের (অর্থাৎ স্রষ্টার) মুখাপেক্ষী।

ইয়্যাকা না'বুদু (اِيَّاكَ نَعْبُدُ) : আল্লাহ তা'আলার সত্তা ও গুণাবলীর বর্ণনার পর আয়াতের এ অংশটা উল্লেখ করে এ বিষয়ের প্রতি ইঙ্গিত করা হয় যে, 'আক্বীদা'ই আমলের পূর্বশর্ত এবং ইবাদতের গ্রহণযোগ্যতা আক্বীদার বিশুদ্ধির উপর নির্ভরশীল।

মাসআলাঃ 'না'বুদু' (نَعْبُدُ) - এ বহুবচন ক্রিয়াপদ দ্বারা ইবাদতকে জমা'আত সহকারে (সম্মিলিতভাবে) আদায় করার বৈধতাও বোধগম্য হয়। একথাও বুঝা যায় যে, সাধারণ মুসলমানের ইবাদত আল্লাহর প্রিয় বান্দাদের ইবাদতের সাথে মিলে কবুলিয়াতের মর্যাদা লাভ করে।

মাসআলাঃ এতে শিরক প্রত্যাখ্যাত হয়েছে। কারণ, আল্লাহ তা'আলা ব্যতীত অন্য কারো জন্য ইবাদত হতে পারে না।

ইয়্যাকা নাস্তা'ঈন (اِيَّاكَ نَسْتَعِينُ) : এতে এ শিক্ষা দেয়া হয়েছে যে, সাহায্য প্রার্থনা শুধু আল্লাহর নিকটই- প্রত্যক্ষভাবে হোক, কিংবা পরোক্ষভাবে হোক। সাহায্য প্রার্থনার উপযোগী প্রকৃতপক্ষে তিনিই; অন্যান্য উপায়-উপকরণ, সেবক ও বন্ধু-বান্ধব ইত্যাদি সবই আল্লাহর সাহায্যেরই প্রকাশস্থল। বান্দাকে সে বিষয়ে সতর্ক দৃষ্টি রাখা এবং প্রত্যেক বিষয়ে আল্লাহর কুদরতকেই প্রকৃত কার্য সম্পাদনকারী মনে করা একান্ত আবশ্যিক। আয়াতের এ অংশ থেকে নবী ও ওলীগণের নিকট সাহায্য চাওয়াকে শিরক মনে করা একটা বাতিল আক্বীদা (ভ্রান্ত বিশ্বাস)। কেননা, আল্লাহর নৈকট্যধন্য বান্দাদের সাহায্য (প্রকৃতপক্ষে,) আল্লাহরই সাহায্য, আল্লাহ ব্যতীত অন্যের কাছে সাহায্য প্রার্থনা নয়। যদি এ আয়াতের ঐ অর্থ হতো, যা ওহাবী সম্প্রদায় বুঝে নিয়েছে, তা'হলে কোরআন মজীদে (اَعْيُنُنَا بِقُوَّةِ) (যুল ক্বারনায়ন বললেন, "তোমরা আমাকে শক্তি দ্বারা সাহায্য করো") এবং (اَسْتَعِينُوا بِالصَّبْرِ وَالصَّلَاةِ) (তোমরা ধৈর্য ও নামাযের মাধ্যমে সাহায্য প্রার্থনা করো!) কেন এরশাদ হয়েছে? আর হাদীস শরীফসমূহে আল্লাহর প্রিয় বান্দাদের নিকট সাহায্য চাওয়ার শিক্ষাই বা কেন দেয়া হয়েছে?

ইহুদিনাস সিরাতাল মুস্তাক্বীম (اِهْدِنَا الصِّرَاطَ الْمُسْتَقِيمَ) : আল্লাহ তা'আলার সত্তা ও গুণাবলীর পরিচয়ের পর ইবাদত, অতঃপর প্রার্থনার শিক্ষা দিয়েছেন। এ থেকে এ মাসআলা জানা যায় যে, বান্দাদের ইবাদতের পর দো'আয় মগ্ন হওয়া উচিত। হাদীস শরীফেও নামাযের পর 'দো'আ' বা প্রার্থনার শিক্ষা দেয়া হয়েছে। (তাব্রানী ফিল কবীর ও বায়হাক্বী ফিস সুনান)

সূরা : ১	ফাতিহা
<p>৬. তাঁদেরই পথে, যাঁদের উপর তুমি অনুগ্রহ করেছো;</p> <p>৭. তাদের পথে নয়, যাঁদের উপর গযব নিপতিত হয়েছে এবং পথভ্রষ্টদের পথেও নয়। (আমীন!) ★</p>	<p>صِرَاطَ الَّذِينَ أَنْعَمْتَ عَلَيْهِمْ ۗ</p> <p>غَيْرِ الْمَغْضُوبِ عَلَيْهِمْ</p> <p>وَلَا الضَّالِّينَ ۗ</p>
মানসিল - ১	

'সিরাতাল মুস্তাক্বীম' দ্বারা 'ইসলাম' অথবা 'ক্বোরআন মজীদ' কিংবা 'নবী করীম সাল্লাল্লাহু তা'আলা আলাইহি ওয়াসাল্লাম-এর পূত পবিত্র চরিত্র' অথবা 'হযূর সাল্লাল্লাহু তা'আলা আলাইহি ওয়াসাল্লাম এবং তাঁর পরিবার-পরিজন (আহলে বায়ত) ও সাহাবা কেরামের কথা'ই বুঝানো হয়েছে। এ'তে প্রমাণিত হয় যে, 'সিরাতাল মুস্তাক্বীম' হলো আহলে সুন্নাতেরই অনুসৃত পথ; যাঁরা আহলে

বায়ত, সাহাবা কেরাম, কোরআন ও সুন্নাহ এবং 'বৃহত্তম জমা'আত' সবাইকে মান্য করেন।

সিরাতাল মুস্তাক্বীম (صِرَاطَ الَّذِينَ أَنْعَمْتَ عَلَيْهِمْ) : (এ আয়াত) উপরোক্ত বাক্যেরই তাফসীর বা ব্যাখ্যা। অর্থাৎ 'সিরাতাল মুস্তাক্বীম' দ্বারা মুসলমানদেরই পথকে বুঝানো হয়েছে। (তাছাড়া, তা'দ্বারা অনেক মাসআলার সমাধানও পাওয়া যায়। অর্থাৎ যে সমস্ত বিষয়ে বুয়র্গানে দ্বীনের আমল রয়েছে তা-ই 'সিরাতাল মুস্তাক্বীম'-এর অন্তর্ভুক্ত।

গায়রিল মাগ্দুবি আলায়হিম ওয়ালাদ্বোয়াল্লীন (غَيْرِ الْمَغْضُوبِ عَلَيْهِمْ وَلَا الضَّالِّينَ) : এ বাক্যেও হিদায়ত রয়েছে। যেমন- মাসআলাঃ সত্য-সন্ধানীদের জন্য খোদার দুশ্মন থেকে দূরে থাকা এবং এদের পথ, কার্যকলাপ, আচার-আচরণ এবং রীতি-নীতি থেকে বিরত থাকা একান্ত আবশ্যিক।

তিরমিযী শরীফের রেওয়াজত থেকে বুঝা যায় যে, 'মাগ্দু-বি আলায়হিম' (مَغْضُوبٍ عَلَيْهِمْ) দ্বারা 'ইহুদী' এবং 'দোয়া-ল্লীন' (ضَالِّينَ) দ্বারা খৃষ্টানদের কথা বুঝানো হয়েছে।

মাসআলাঃ 'দোয়াদ' (ض) ও 'যোয়া' (ظ)-এর মধ্যে মৌলিক পার্থক্য রয়েছে। কোন কোন বৈশিষ্ট্য অক্ষর দু'টির মধ্যে মিল থাকা উভয়কে এক করতে পারে না। কাজেই, 'যোয়া' (ظ) সহকারে পাঠ করা যদি ইচ্ছাকৃত হয় তবে তা হবে কোরআন পাকে বিকৃতি সাধন ও 'কুফর'; নতুবা না-জায়েয।

মাসআলাঃ যে ব্যক্তি 'দোয়াদ' (ض)-এর স্থলে 'যোয়া' (ظ) পড়ে সে ব্যক্তির 'ইমামত' জায়েয নয়। (মুহীতে বুরহানী)

আ-মীন (آمِينَ) : এর অর্থ হচ্ছে- 'এরূপ করো' অথবা 'কবুল করো'।

মাসআলাঃ এটা কোরআনের শব্দ নয়।

মাসআলাঃ 'সূরা ফাতিহা' পাঠান্তে- নামাযে ও নামাযের বাইরে 'আ-মীন' (آمِينَ) বলা সুন্নাত।

★ 'সূরা ফাতিহা' সমাপ্ত।